



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1635. usque ad annum 1643

Fleury, Claude

August. Vind. [u.a.], 1779

VD18 9011888X

§. 72. Cyrilli Lucaris Patriarchæ Constantinopolitani supplicium, necnon
Synodus contra ejus errores celebrata.

[urn:nbn:de:hbz:466:1-67406](https://nbn-resolving.org/urn:nbn:de:hbz:466:1-67406)

Sæc. XVII. „tem sacrilego ore allatavit, asserendo,
A. C. 1638. „quod Deus omnium suorum convitio-
 „rum, ac nefariorum criminum Author
 „existit: hinc Divinæ Cæsareæque
 „Majestatis læsæ reus &c. (*)

§. LXXII.

*Cyrilli Lucaris Patriarchæ Constan-
 tinopolitani supplicium, necnon
 Synodus contra ejus errores
 celebrata.*

Dupin. Hist. d' Eccl. t. 4. Freqvens jamjam occurrebat mentio
 de Cyrilli Lucaris olim Patriarchæ
 Constantinopolitani fati, ejusque apo-
 stasia: nunc vero postremam, quam in
 magno Orbis Orientalis teatro tenuit,
 scenam proferre superest. Hic igitur
 fanaticus Patriarcha Græco-Calvinia-
 nus, postquam anno hujus sæculi vi-
 gesimo primo die quinta Novembris
 quorundam suffragio Patriarcha fuerat
 electus, sequenti anno tanquam læsæ
 Maje-

(*) Stupenda est Godefridi Arnoldi Perle-
 bergensis Prædicantis Lutherani temeritas,
 qua in sua Hæresum Historia Vol. 2. part. 3.
 c. 24. n. 8. hanc crisin æquissimæ huic senten-
 tiæ addere præsumpsit: Ob dieser Schluß aber
 nicht wider alle Bothen Gottes, die zu allen Zei-
 ten von der Welt übel belohnet worden, geht,
 mag man selbst ermessen.

Majestatis reus Vezirii jussu captus, fo-
 lioque suo deturbatus, Rhodum dela-
 tus est, Gregorio Amasiano Episcopo
 Catholico, ac postea Anthimo Hadria-
 nopolitano Antistite in ejus locum sub-
 rogatis. Verum Rowæi Anglici Ora-
 toris patrocinio suffultus Cyrillus, eo-
 dem adhuc anno rursus Sedi suæ resti-
 tutus est, a qua tamen postmodum se-
 ries adhucdum ejectus, toties quoque
 hanc dignitatem pecuniis recuperavit.
 Demum Amurathe bellicæ expeditioni
 contra Persas intento, Cyrillus ab Bai-
 rano Bassa accusatus, quod Cosaccos
 ad diripendam Azekam urbem instigaf-
 set, ab Urbis Constantinopolitanæ Præ-
 fecto in carcerem conjectus est, ad
 fauces Bosphori (a) abstractus, ubi die
 vigesima septima Junii hoc anno non
 pro Christi nomine, sed ob insatiabilem
 ambitionem strangulatus, corpore ex
 alta turri in mare præcipitato periit.
 Hunc Pseudo-Patriarcham, infernique
 Athletam Calvinistæ tanquam sanctum
 & Martyrem venerantur, ejusque cor-
 pus ad littus projectum honorifica se-
 pultura coluerunt, mox tamen Turcici
 Gubernatoris jussu tumulo extractum
 & denuo in mare projectum, iterumque
 ex aquis receptum clam in quadam In-
 sula ejus Amici terræ mandarunt.
 Successerat simoniaco huic Patriarchæ

Sæc. XVII.
 A. C. 1638.

(a) *Castrum*
septem Tur-
rum.

Sæc. XVII. alter Cyrillus Contarius Berrhoensis Episcopus, capitalis quidem Cyrilli hostis, A. C. 1628 eadem tamen Simonix labe infectus.

Hic Constantinopoli eodem hoc anno convocatis Alexandrino & Jerolymitano Patriarchis, aliisque viginti tribus Episcopis Synodum celebrabat, in qua Cyrillum Lucarem, necnon confessionis suæ articulos damnabat. Hujus Synodi decreta primum Lauretiano sequenti in Vindiciis Sylvestri a Petra sancta, postmodum a Nihusio cum ipsa Cyrilli Confessione Græce & Latine juxta exemplar Græcum, quod a Leone Allatio acceperat, edita fuere: Præcipua autem, quæ hæc Synodus in Cyrilli Confessione damnaverat, erant sequentia I. quod Ecclesiam errare posse, affirmarit II. absolutam prædestinationem statuerit, nullamque ex operibus salutem sperandam dixerit. III. Christum unicum Mediatorem esse docens, tacite Sanctorum intercessionem rejecerit. IV. Homini bene agendi libertatem denegarit. V. Duo tantum Sacramenta agnoverit. VI. Panem & Vinum in Corpus & Sanguinem in Eucharistia transubstantiari negarit. VII. Fidelibus pie defunctis eleemosynas & Ecclesix preces nihil prodesse docuerit. VIII. Imaginum Sacrarum venerationem aspernatus fuerit. Hujus Synodi decre-

decretum præfatus Leo Allatius integrum in sua perpetua, ut vocat, *Ecclesia Orientalis, & Occidentalis consensione* edidit, indeque Ecclesiam Græcam a Lutheri & Calvini erroribus semper discrepasse, cum Catholico-Romana autem etiam post schisma potissimam partem consentire ostendit. Ceterum probe observandum venit, quod hæc Synodus Constantinopolitana Cyrillo Lucari nominatim anathema dixerit, quod iudicium tamen Synodus Jerosolymitana anno hujus sæculi septuagesimo secundo contra eundem habita approbavit quidem, ea tamen conditione limitatum, *si hæreticus Calvinista re ipsa fuerit, neque respuerit.*

§. LXXIII.

Continuati Puritanorum tumultus in Scotia.

Postquam Puritani, ceterique Regem ejusque Regimen exosi adversus novam Liturgiam, aliorumque rituum innovationes, initam inter se conventionem promulgare ausi fuerant, aucta per ipsam Regis indulgentiam rebellionem, cuncta fidelitatis sacramenta, quæ legitimo Regi suo præstiterant, proprio arbitrio, die prima Martii ejurarunt, in perfidiæ suæ excusationem obtendentes,

Sæc. XVII.
A. C. 1638.*Pufendorf.**Hist. Gen.**t. 4. p. 78.**Salmon Hist.**d' Angl. t. 1.**pag. 208.**Rapin Thoir.**Hist. d' Angl.**lib. 19.*